

Samþykkt í félagsmálaráði 31. mars 2004 með breytingum samþykktum í velferðarráði 23. maí 2007 og í borgarráði 13. apríl 2004 með breytingum samþykktum í borgarráði 7. júní 2007.

Reglur um greiðslur Barnaverndar Reykjavíkur vegna sérstaks stuðnings vegna barna og fjölskyldna og fósturs á grundvelli 24. gr. og 75. gr. barnaverndarlaga nr.80/2002

1. Kafli

Ýmis kostnaður ofl.

1. gr.

Hvar færist kostnaðurinn

Þegar mál barns er til vinnslu hjá Barnavernd Reykjavíkur færist allur kostnaður vegna þeirra úrræða sem stuðst er við í vinnslu málsins á Barnavernd, samanber það sem fram kemur í meðferðaráætlunar. Þannig færist kostnaður vegna stuðningsúrræða sem áður hafa verið veitt á þjónustumiðstöð yfir á Barnavernd að könnun lokinni, ef þar er talin þörf á tilteknum úrræðum samkvæmt meðferðaráætlun Barnaverndar. Að öðrum kosti falla stuðningsúrræði fyrir barnið niður. Fjárhagsleg og fagleg ábyrgð helst því í hendur við vinnslu mála.

2. gr.

Hvar er mál afgreitt

Greiðslur á grundvelli þessara reglna afgreiðast einungis af starfsmönnum Barnaverndar og kostnaður færist jafnframt á Barnavernd.

Fjárhagsaðstoð á grundvelli reglna þar um afgreiðist einungis af starfsmönnum þjónustumiðstöðvar og færist á viðkomandi skrifstofu. Ef starfsmenn Barnaverndar telja *æskilegt* að veita stuðning umfram þær heimildir sem felast í þessum verklagsreglum hafa þeir milligöngu um viðtöl hjá starfsmönnum þjónustumiðstöðvar ef notandi óskar eftir. Í kjölfarið senda starfsmenn Barnaverndar skriflega umsögn og mat á beiðni um fjárhagsaðstoð. Starfsmenn þjónustumiðstöðvar afgreiða slíkar umsóknir til samræmis við gildandi reglur um fjárhagsaðstoð.

3. gr.

Leikskólagjöld ofl.

Heimilt er að veita forsjárforeldri/forsjárforeldrum styrk sem nemur mánaðargjaldi eða sem samsvarar ákveðnum hlut mánaðargjalds og uppsöfnuðum skuldum, vegna gæslu barns hjá dagmóður, á leikskóla eða heilsdagskóla vegna sérstakra meðferðar- og stuðningssjónarmiða. Ætíð skal vera um tímabundna aðstoð að ræða sem sætir endurskoðun á a.m.k. 6 mánaða fresti. Aðstoð skal þó ekki vara samfelld lengur en 1 ár án samþykkis framkvæmdastjóra Barnaverndarnefndar.

4. gr.

Tómstundir barna

Heimilt er að veita forsjárforeldri/forsjárforeldrum styrk sem nemur mánaðargjaldi eða sem samsvarar ákveðnum hlut mánaðargjalds vegna tómstundaiðkunnar barns á grundvelli barnaverndarsjónarmiða. Ætíð skal vera um tímabundna aðstoð að ræða sem sætir endurskoðun á a.m.k. 6 mánaða fresti. Aðstoð skal þó ekki vara samfelld lengur en 1 ár án samþykkis framkvæmdastjóra Barnaverndarnefndar.

5. gr.

Sérfræðiaðstoð samkvæmt barnaverndarlögum

Þegar fyrir liggur ákvörðun framkvæmdastjóra eða bókun Barnaverndarnefndar er heimilt að greiða kostnað vegna geð og/eða sálfræðiathugana barna og/eða fjölskyldna.

Heimilt er að greiða kostnað vegna viðtala barna og/eða fjölskyldna, hjá sálfræðingum, geðlæknum eða félagsráðgjöfum. Hámark aðstoðar eru 20 tímar miðað við meðalgjald sálfræðinga. Ákvörðun um slíka aðstoð er tekin á meðferðarfundi. Framkvæmdastjóri Barnaverndarnefndar getur í undantekningartilfellum ákveðið að greiða fleiri tíma.

6. gr.

Kostnaður vegna vistunar barns utan heimilis í barnaverndarmálum

Þegar nauðsyn krefur er heimilt, með hliðsjón af hagsmunum barns, að greiða kostnað vegna þess sem að neðan greinir.

Þetta ákvæði skal einvörðungu notast þegar til fellur kostnaður vegna barna vistaðra utan heimilis sem ekki getur fallið undir liðinn **Barnavernd Reykjavíkur - úrræði**, einnig vegna barna er lúta forsjá Barnaverndarnefndar, eða barna sem eru vistuð án samþykkis foreldra og vegna flókinna barnaverndarmála þar sem ekki næst samkomulag við foreldra um að greiða fyrir ýmsan kostnað vegna barnsins. Dæmi: forsjáraðili sem, af e-h ástæðum er ekki fær um eða móttfallinn því að standa straum af þeim útgjöldum sem vistunaraðili telur nauðsynleg.

Varðandi dvöl á vistheimili/meðferðarheimili skal almennt lagt til grundvallar að foreldrar kosti framfærslu barns á meðan vistun stendur að öðru leyti en því er varðar fæði og húsnæði.

Kostnaður sem heimilt er að færa undir þessa grein:

- a. Vasapeninga t.d. þegar börn í fóstri koma í umgengni og ferðakostnað kynforeldra sbr. ákvæði í fóstursamningi hverju sinni
- b. Vasapeninga v/barns í fóstri
- c. Ferðakostnað v/barns í meðferð úti á landi
- d. Annan kostnað v/barns í vistun s.s. tannlæknakostnaður, heilbrigðisþjónusta (í sérstökum tilvikum)
- e. Ferðakostnað foreldra v/námskeiða og samráðsfunda
- f. Ýmis kostnaður vegna dvalar á vistheimili/annarri stofnun

Liðurinn er skattlaus nema hvað varðar vasapeninga 16-20 ára unglínga.- Sjá sérákvæði um merkingu vasapeninga v/ 16-20 ára unglínga hér á eftir.

Sérákvæði um vasapeninga 16- 20 ára unglinga.

Við greiðslu vasapeninga skal haft viðmið af mánaðarlegum meðlagsgreiðslum eins og þær eru ákveðnar hverju sinni samkvæmt lögum um almannatryggingar.

- g. Meðlagsgreiðslur til meðferðarheimilis v/ vasapeninga 16-20 ára unglings
- h. vasapeningar v/ 16-20 ára unglings í fóstri

2. kafli

Fósturráðstafanir, tímabundið/varanlegt

7. gr.

Almennt um framfærslu og annan kostnað vegna barna í fóstri.

- Við upphaf vistunar barns/unglings í tímabundið fóstur bera forsjáraðilar, í samvinnu við Barnaverndaryfirvöld, ábyrgð á því að barnið hafi með sér nauðsynlegan fatnað og útbúnað miðað við allar árstíðir.
- Við vistun barns/unglings í varanlegt fóstur bera Barnaverndaryfirvöld ábyrgð á að útbúnaður þessi sé til staðar.

Við greiðslu framfærslueyris með börnum í fóstri, skv. 75. gr. barnaverndarlaga nr. 80/2002 og 15. gr. reglugerðar um ráðstöfun barna í fóstur nr. 532/1996 skal að jafnaði miða við fjárhæð barnalífeyris eins og hann er ákveðinn hverju sinni samkvæmt lögum um almannatryggingar.

Við vistun barns/unglings er gerður greinarmunur á framfærslueyri og fósturlaunum.

- **Með fósturlaunum er átt við umönnunarlaun fósturforeldra í tímabundnu fóstri.**
- **Með framfærslueyri er átt við greiðslu til að mæta, eftir atvikum kostnaði vegna daglegrar framfærslu barns.**

Af framfærslueyri ber fósturforeldrum að standa straum af öllum almennum kostnaði sem felst í því að hafa umsjá barns, svo sem að sjá barninu fyrir fullnægjandi aðstöðu á heimili, mat, fatnaði, almennri heilbrigðisþjónustu, daglegum ferðalögum, mótuneytiskostnaði í skóla, útbúnaði í skóla, vasapeningum og eðlilegum tómsendum.

Við greiðslu framfærslueyris og fósturlauna er haft viðmið af mánaðarlegum meðlagsgreiðslum eins og þær eru ákveðnar hverju sinni samkvæmt lögum um almannatryggingar.

8. gr.

Greiðslur til fósturforeldra barna í varanlegu fóstri

Barn/unglingur í varanlegu fóstri lýtur umsjá fósturforeldra sinna, sem að jafnaði fara með forsjárskyldur. Kynforeldri barns í varanlegu fóstri er jafnframt framfærsluskylt gagnvart barninu, sbr. 1.mgr. 89.gr. barnaverndarlaga nr. 80/2002.

Hafi kynforeldri/kynforeldrar verið sviptir forsjá barns síns með dómi, er þeim ekki skylt að framfæra það, sbr. 3.mgr. 89.gr. barnaverndarlaga.

Í varanlegu fóstir er einungis greiddur framfærslueyri, ekki er um fósturlaun að ræða.

Greiðslur miðast við aldur barns þegar það fer í fóstur og haldast óbreyttar nema í undantekningartilvikum þar sem þörf er á endurmati vegna breyttra aðstæðna.

aldur	samtals greitt
0 til 18 árs	2 meðlag

Heimilt er að hækka framfærslueyri um allt að 2 meðlög á mánuði eins og það er ákveðið hverju sinni samkvæmt lögum um almannatryggingar, þegar a.m.k. eitt af eftirfarandi skilyrðum er fyrir hendi í upphafi fósturs:

- miklir hegðunar- og tilfinningalegir erfiðleikar
- fötlun
- vímuefnamisnotkun
- langvarandi veikindi

Ákvörðun um heimild til hækkunar framfærslueyris skal tekin af meðferðarfundi, að fengnu skriflegu mati sérhæfðra aðila sem þekkja til barnsins, t.d. félagsráðgjafa/barnalæknis/sálfræðings/geðlæknis.

Ef til álita kemur að hækka grunngjald umfram það sem að ofan greinir skal bera slíka ávkörðun undir framkvæmdastjóra Barnaverndarnefndar.

Kynforeldri barns í varanlegu fóstri greiðir meðlag til Barnaverndaryfirvalda og tekur þannig þátt í framfærslu barns/unglings, þó ekki ef dómur um sviptingu forsjár hefur átt sér stað. Sú upphæð sem kynforeldri greiðir er því hluti af ofangreindum greiðslum til fósturforeldra.

9. gr.

Greiðslur framfærslueyris og fósturlauna vegna tímabundins fósturs

Aldur	Framfærslueyrir	Fósturlaun	Samtals
0 til 6 árs	2 meðlag	4 meðlög	6 meðlög
6 til 18 ára	2 meðlög	5 meðlög	7 meðlög

Forsjárforeldri barns í tímabundnu fóstri greiðir meðlag til Barnaverndaryfirvalda og tekur á þann hátt þátt í framfærslu barns/unglings. Sú upphæð er því hluti af ofangreindum greiðslum.

Heimilt er að hækka framfærslueyri um allt að 2 meðlög á mánuði eins og það er ákveðið hverju sinni samkvæmt lögum um almannatryggingar, þegar a.m.k. eitt af eftirfarandi skilyrðum er fyrir hendi í byrjun fósturs:

- miklir hegðunar- og tilfinningalegir erfiðleikar
- fötlun
- vímuefnamisnotkun
- langvarandi veikindi

Ákvörðun um heimild til hækkunar framfærslueyris skal tekin af meðferðarfundi, að fengnu skriflegu mati sérhæfðra aðila sem þekkja til barnsins t.d. félagsráðgjafa/barnalæknis/sálfræðings/geðlæknis.

Ofangreindir möguleikar á að að hækka framfærslueyri vegna sértækra erfiðleika barnsins eiga einnig við þegar um fósturvistun hjá nánnum ættingjum er um að ræða.

Ef til álita kemur að hækka grunngjald umfram það sem að ofan greinir skal bera slíka ákvörðun undir framkvæmdastjóra Barnaverndarnefndar.

10. gr.

Ófyrirséður kostnaður

Fósturforeldrar geta sótt um viðbótargreiðslur vegna ófyrirséðs kostnaðar t.d. sálfræðiviðtala eða álíka aðstoðar fyrir barn og/eða fósturforeldra í afmarkaðan tíma, meirháttar tannlæknakostnaðar, leikskólakostnaðar, tómsunda- og/eða fatakostnaðar. Umsóknir um viðbótargreiðslur skulu berast skriflega til starfsmanns Barnaverndar. Ákvörðun um viðbótargreiðslur skal tekin af meðferðarfundum. Við ákvörðun, sem skal vera skifleg og rökstudd, skal getið um tímalengd slíkra greiðslna. Endurmat fari fram að þeim tíma liðnum.

11. gr.

Ferðakostnaður vegna umgengni

Barnaverndaryfirvöld greiða ferðakostnað barns/unglings vegna umgengni við kynforeldra sína í samræmi við ákvæði fósturs- og vistunarsamnings.

12. gr.

Tilkynningar vegna fósturs

Starfsmaður sem fer með mál skal innan tveggja vikna tilkynna T.R. um að barni hafi verið ráðstafað í fóstur. Jafnframt skal Barnaverndarstofu og Hagstofu Íslands tilkynnt um gerð fóstursamnings og breytta búsetu barns. (sbr. 9. gr. reglugerðar nr 532/1996).

Samþykkt í félagsmálaráði 31. mars 2004 með breytingum samþykktum í velferðarráði 23. maí 2007 og í borgarráði 13. apríl 2004 með breytingum samþykktum í borgarráði 7. maí 2007.